

永嘉縣志

光緒八年修

永嘉縣志卷之十三目錄

人物志一

儒林 三十四人
附十七人

宋 王開祖 周行已 族孫
去非 劉安節 弟安 劉安上 子

戴 述 弟迅 張 輝 子孝 沈躬行 從弟 蔣元中

鮑若雨 丁昌期 陳一鶚 子自 陳鵬飛

鄭伯熊 弟伯英
伯海 薛季宣 元名 諸葛說 行元

戴 溪 戴 蒙 子仔 張 涪 葉 味 從任

陳 埴 父燧 林 武 包 定 徐 寓 弟沈

周憫
叔蒙 吳 濬 翁巖壽 胡子實

永嘉縣志

卷之十三

人物儒林
目錄

民國二十四年補刻

胡一桂 鄭伯謙

元 繆主一

明 王 齋 朱 謐 張文選 林 補

葉 挺 王叔果 舊志有陳光
前今改宦績

卷之十三

志一

自漢光武始詔南陽撰作風俗故沛三輔有耆舊節序魯廬江有名德先賢之讚郡國之書由是而作然志之重人物其來舊矣永嘉山水奇麗甲於東南靈所鍾人物斯盛自宋以來名臣鉅儒項背相望文章節比屋接軫而隱德不耀負一行一藝不自表襮者尤多人焉

受命儒術一新而斯邑之人材不續於舊然而智效行比一鄉學名一家而聞一國者固亦未嘗絕也舊

永嘉縣志

卷之十三

人物 儒林

一

類稍繁且多舛漏今畧爲釐并區爲十門而以寓賢生斯土者景行耆舊追跡先賢上以宋賢爲師以經師自命出則爲

倚重處則爲鄉閭所矜式以無負山川清淑之氣海之眇小不足涵育乎鯤鵬也哉傳有之睠驥之驥之乘睠顏之人亦顏之徒亦在有志者自爲之而

儒林

今儒術大槩有三而皆以經爲本許鄭之訓詁六經也韓歐之詞章六經之文也程朱之性理六經之

道也而杜君卿之典制陸宣公之駢儷陸象山之其學雖不純於經然歷代亦並存不廢焉永嘉之學倡於王景山與濂洛同時而道亦相似嗣是周恭叔元承兄弟親受業於伊川葉文修陳潛室諸儒皆請於朱子性理之學燦然大明雖張忠甫之於儀禮戴達之於六書於許鄭爲近葉水心之文章於韓歐爲然皆宗伊洛者也自鄭景望講求經制治法而薛士諸儒親承緒論益擴而大由是永嘉經制之學名於內其大要參考諸史而折衷於經訓蓋合訓詁性理制詞章而一以貫之永康事功方此蔑如矣數百年

永嘉縣志

卷之十三

人物 儒林

一一

正學荒蕪士生其間者或但知揣摩舉業講求聲病於聖賢爲己之學儒者經世之方蓋有終身未聞然而豪傑之士無待而興者抑豈遂無其人哉今要畧悉著於篇其有勲在王室事備國史者別記之名臣云

宋

王開祖字景山少敏悟書過目輒成誦勤篤廢寢食

祐五年進士舉賢良方正不中第

案續通鑑皇祐五月策試賢良方

言極諫太常寺太祝趙彥若所對策疏闊不中等是制舉就祕閣試者凡十八人獨取彥若於是又相陳執中諷有司抑之也自趙彥若制策不入等遂無應科者帝曰豈朕待之不至耶嘉祐二年六月

同議之孫抃等言太常博士以下至選人草野人者並聽待制以上奏舉無得自陳內草澤人亦許轉運使奏舉以是考之景山雖舉賢良方正實未嘗也又案儒志編附錄墓誌二篇結銜試祕書省校書麗水縣主未可據

退歸郡城東山縱觀經史百家之書考別

與學者共講之從游常數百人未幾卒年三十二時諸儒初起其道未及東南開祖獨能研精覃思發明著儒志編爲東嘉道學倡其首章言復者性之宅無誠之原大畜者道之歸頤者德之施又曰學者離性情奚情之不惡又曰人有苦烈寒則嗟遇酷暑則無非樂暑而戚寒暑則天下共之寒則私也爲政者能道則天下無怨民矣其末章曰由孟子以來道學不

永嘉縣志

卷之十二

人物 儒林

三 民國二十四年補刻

欲述堯舜之道論文武之治杜淫邪之路闢皇極之畏諸天者也吾何敢已哉其自負如此元祐中郡守立儒志坊以表之學者稱儒志先生

舊志湯志四庫總目儒志編

已字恭叔居謝池坊從祖豫父泳俱進士第行已風秀整語音如鐘讀書十行俱下游太學以文行著司業樓騶從闕敦化堂下行已移書規切稷遜謝由是名重時競尙新學行已獨往伊洛從二程子遊作顏子不論有曰過不必大毫末萌於心而天地爲之應悟不斯須著於心而天下歸其仁伊川可之曰是子達早其退速登元祐第京師貴人

案浮沚集蓋馮當世也

欲妻以女

吾姨母貧女瞽吾母雖不言意已屬吾養志可也
娶焉伊川語人曰頤年未三十時亦做不得此事
博士求便養親詔授本州教授發明中庸之旨邦
有伊洛之學宣和初除祕書省正字鄆守王覲以
舊辟入幕府卒於鄆靚津其喪歸葬焉有文集三
許景衡劉安節安上戴述趙霄張輝沈躬行蔣元
豐九先生弟承已孫學古俱別有傳族孫去非字
隆興癸未進士第爲張南軒高弟淳熙中官桂林
紹興府通判著有嶺外代答十卷

府志 湯志 甌海
軼聞 乾隆府志

府志及永嘉縣志俱載行已永嘉人浮沚書院即
居文獻通考則稱其宅在謝池坊而瑞安新舊縣

永嘉縣志

卷之十二

人物 儒林

四

民國二十四年補刻

已與其父正議大夫泳墓在瑞安杉坑有正議巷
在縣城攷文集陶隱居丹室記稱維揚呂君少逸
行已以邑民仕於鄉校則行已祖籍當在瑞安
正議巷而太博遷居永嘉卒葬父墓之側耳

字元承家於荆溪祖瑩積善有陰施父弋字公輔
善持家封宣義郎安節稟異姿嗜學深思夜以繼日
父弟安上相友愛皆以文行爲士友所推同遊太學
諸生間號二劉元符三年擢進士調諸暨縣主簿國
酒率屬表留太學不報除萊州教授改河東提舉學
勾文字久之改宣德郎宰相以名聞有旨召對便
節言春宮宜慎擇官屬雖左右趨走者必惟其人又
儉及君子小人和同之異上稱善擢監察御史數決

大獄平反甚衆居數月攝殿中御史士論翕然稱得人謁告省親俄除起居郎趣赴闕明年除太常少卿而言者誣以在言官無所建明且久不_密親謫守饒州州荐饑發廩振之又檄旁郡無遏糴時軍儲不足皆取諸民安節曰歲饑如此重困之可乎他用宜有相通者正應調適其緩急耳躬率以廉僚屬化之凡爲民弊害者悉除去民愛戴之如父母冬祀貢縑有期會而民未能盡輸安節語其屬曰民困甚雖嚴督之亦未必辦吾其以罪去乎豪民數十人聞之曰可使我公得罪耶相與代輸之其得民心如此治聲聞京師移知宣州民遮道泣留謂吾饒自范文正公後

永嘉縣志

卷之十二

人物 儒林

五

惟吾劉公而已至宣十日水大至分遣其屬具舟拯溺而躬督之晝夜不少休所活數千人而流民至者以萬數闢佛廟處之發廩振之無一失所者其將發廩也吏白法不可而部使者亦持其議安節不聽其後御史疏江浙不振濟詔書切責獨宣不與焉政和六年春大疫命醫分治甚力五月得疾竟卒年四十九吏民行哭失聲部使者表其治績及勤民致死狀官其子誠將仕郎安節清明坦夷雅近於道嘗從伊川程子問學

康熙府志今河南語錄始以

卷安節手編也

致知格物發其材久之存心養性俟其自得其氣貌温然望而知其非常人也遇人無貴賤大小一以誠聞人善如

亭傳僧寺否則茂舍露坐食息自如見者咨美之
陸沈下僚怡然無忤色究心職事有捕獲功未嘗
幸人之死而已取賞吾弗忍爲卒用薦者升縉雲
登州教授遷太學博士大觀元年除提奉浙西學
對稱旨徽宗稱其蘊藉有大臣體旣而中丞余
爲監察御史朝廷有所推鞠多以屬安上持法
誠恕吏不忍欺讞議明允多所平反囚悅服無
月遷殿中侍御史明年遷侍御史沈厚謹密凡
反覆詢究或遣親人參驗得實乃始論列舉無
奏事退上目送之曰劉安上言事可謂詳審矣

京擅政竊弄威福黨與蟠結根據朝廷無敢撓
上獨挺然不肯阿附極言其罪抗章不報乃與
同列廷論之詞旨剴切時論偉之在言路三年
皆汙穢不法敗政亂俗之尤者平居恂恂若不
辨論人主前無所畏避以故眷注愈渥三年八月
夫丁母憂去政和元年冬服闋以中書舍人召
事中其所獻納論駁有補時政者甚多俄請外
除徽猷閣待制知壽州四年罷提舉亳州明道
勘轉朝散郎封文安縣開國男食邑三百戶五
七年 勘轉朝請郎進封開國子加食邑二

百戶時六尚書降造花羅額數頗衆督程甚嚴配多民困乞蠲減弗克則奏以非土貢願不爲例者往往專事花石以市恩寵州縣希旨幸賞或州計置督以支錢應副舟車事安上不與之辨文回報在復閱時淹久使臣苦之遂巡引去自遂免無名之費調發之擾民陰受賜焉尤不喜笞年或坐法察知良家子則命其父夏楚於庭責使務教化厚風俗有古循吏風治婺州三年鎮撫惠德之移知邢州祖母徐氏年逾九十丐宮祠侍年六月得請提舉建州武夷山冲佑觀九月

永嘉縣志

卷之十二

人物 儒林

八

年服闋除知壽春府四年轉朝奉大夫進封開邑二百戶壽舊治也民懷恩弗忘比再至老穉遠迓者屬路府於淮西爲大藩屯兵萬餘上供十二萬石應付畿內軍糧賦亦稱是雖遇放免殆盡而稅額不少減民重困流移者衆何剝下以逃責耶凡諸司額外誅求一切不寬緩爲事是歲壽春官吏遂以上供支移數椿發軍糧虧欠再被削秩以去終不自辨也州踰年請祠提舉南京鴻慶宮靖康元年覃郎加食邑二百戶尋復朝奉大夫朝散大夫

大夫建炎二年正月卒年六十詔贈通議大夫安
孝友居喪幾至滅性在御史不爲訐直沾名論事
稿豐稷徐處仁薦之未嘗私謝出典三郡所至有
在婺市田以給浮橋費民便之尤嫉臧吏守壽春
貪墨聞者既廉問審實一夕追逮證佐盡得姦贓
賂當塗致書營救不答卒使引疾去諸邑爲之
兄安節從伊川程子遊深得中庸大學指歸故
學發爲政事爲文典重有法尤工五言有詩五
雜文三十卷今所存者僅五卷耳子三誠爲安
宣義郎知大宗正丞林季仲銘其墓誥右承務郎

糧料院

薛嘉言撰行狀竹軒雜著乾隆府志案
二劉誌狀俱云從當世先生長者遊不

者以當時學禁方嚴故孫言以避禍也後
知人自當改從其實湯志一仍原文失之矣

明仲居孝睦坊孝友直諒爲文操筆立成入京師
館趙丞相鼎得其文謂爲老儒擢異等而述未冠
是知名又以科舉口耳學爾走伊洛從程子遊求爲
學俄遭父喪哀毀不如菜果廬墓終喪登元符進士
東陽主簿徙監銀冶辭不獲賦歸去來十章投檄而
州選學官爲臨江教授以母憂去抱疾倚廬醫論當
於內述不可曰疇昔夢有告我死生之說吾其亡此乎
日而卒娶劉元禮之妹子二顛穎弟迅字幾仲一字簡

之官至中散大夫亦以文學稱著有晉史屬辭世

明一統志書錄解題

浣川集康熙府志

張輝字子充天資謹飭邃於問學雖老儒不能逮

諸子歷代史記下至百家之說皆通習辨析精

亶游太學兩以親訃哀毀廬墓左作霜露堂有

庭人謂孝感所致請以甘露易其額輝曰吾自

復築室墓傍日從事治心養氣之學從者益衆

不就政和二年擢進士第調泰興主簿三舍法

州教授部使者薦諸朝召爲國子學錄卒嘗撫

斷以己意曰草堂語錄人稱草堂先生子孝愷

永嘉縣志

卷之十三

人物 儒林

十

學尚節義登紹興庚辰第歷海鹽主簿終兵部架

康熙

府志

沈躬行字彬老甫冠游太學同輩以時文相尙躬

古學以近世喪葬禮廢迺倣古正棺衾饋奠哀服

佛事不用始從唐奧林石介夫氏後從伊川程叔子

呂大臨氏其學以中庸大學爲本篤信而力行之故

然以聖賢爲依歸平居色怡氣和似不能言及辨

毅然不可奪從弟琪字東美亦以行義稱

康熙府志
人案

水

稱瑞安沈彬老似當爲
瑞安人今姑從府志

蔣元中梁校書郎湛之後力學多聞見道超卓元豐中

郡人周行已等九人同遊太學時稱太學九先生嘗著
不可使易知論四方傳誦太學刻於石紹興初郡守張九
成下車詣學口誦此論由是後學益知向方康熙府志
鮑若雨字商霖自永嘉走河洛學於伊川先生勤苦自
早夜孜孜不舍先生門人皆以爲畏友既歸構亭於所
之雁池扁曰敬亭同門張思叔繹爲之記宣和方寇之
率鄉人捍禦有司奏功第一不受賞著有程門問答

亭文集

舊志府志

丁昌期字逢辰世居永嘉積善有陰施號爲長
始業儒通經術篤行著書教授鄉里元祐戊辰

永嘉縣志

卷之十二

人物儒林

十一

修不中第歸隱於東郊建醉經堂屏去老子浮
以六經爲師修身踐言妻子悅服既歿鄉人

先生三子惇夫字包蒙三舉鄉貢

惇諸書避光宗諱改作寬

行志夫登紹聖進士第皆好古博學被服禮義知
夫間孫康臣康時相繼登紹興第志夫康臣皆自

集劉左史集兩浙名賢錄

陳一鶚字開祖世爲閩人祖晞顏來游永嘉因家
字謙仲風姿粹美襟度夷曠一鶚登紹興壬子第
東安撫司主管機宜文字知婺州武義縣以左散
紹興軍終知廣德軍其學私淑伊川最爲橫浦張

爲誌其父母墓稱其博極羣書而一意於聖學平居睥
遇事輒斷不可屈以勢居官以廉靖著箸論語注韓柳
子自修字求仁三爲劇邑以名稱再典郡周必大亦

端諒通達爲名父子云

橫浦集周益公
集 甌海軼聞

少南性簡重言動有法自爲布衣以經術文辭
學常數百人其於經不爲章句新說至君父人
之際必反覆詳至而趨於深厚兩舉於鄉俱
壬戌第授鄞縣主簿移浙西安撫司屬官用
飛之召當由秦檜所薦以其
之師也水心行狀諱言之耳 召爲太學博士
書除尙書禮部員外郎兼資善堂贊讀復兼

子熺在永嘉從鵬飛學至是爲侍郎所下文
鵬飛輒批其後還之熺寢不平及侍經筵講
公仲子之贈高宗忽問母以子貴何也鵬飛
所以然旣而曰舜禹皆聖人興於賤微其父
顯所以貴也若失道與民以憂其父母則非
此孔氏所以戒也時檜欲尊崇太后以劾容悅
大怒而鵬飛每見檜言荆襄可爲都以控接北
祀壇都驛亭勞費甚矣是不鄙吳越而忘讎恥
檜乃諷言者劾鵬飛譏議慈密典禮罷歸明年
觀尋除名謫惠州居四年卒有詩書傳刊行於

集十卷羅浮集二卷淳熙末畱正始為奏陳詔

舊志府志
水心文集

景望少而德成經為人師深厚悃悞徇道寂寞

人經制治法討論尤精宋史陳傳良傳其行已以呂申

為法論事以賈誼陸贄為準陳亮龍川集登紹興十

初授黃巖尉年少而堅不可磷人呼為石蓮縣

日有獻歌詩者隱士徐庭筠作上壽論貽之伯

喜盡卻賀者赤城集及代去請益庭筠曰富貴易

守願安時處順主張世道伯熊受其言迄為名

調婺州司戶隆興初召試正字除太常博士乾

永嘉縣志

卷之十二

人物 儒林

十二

除著作佐郎四年為吏部員外郎中興館閣錄出為福

七年魏王愷判宣州南面坐受屬吏進謁幕府進

坐而可否之及伯熊除府司馬遂以劄子開說言

嫌疑之際或駭觀聽不從因自劾改江西提刑

州康熙府志入為國子丞兼太子侍讀進國子司

卿每論事不合輒乞去遂以直龍圖閣出知密

學齋市官書二千卷聚生徒至二百人密國府志改

卒於官贈敷文閣待制諡文肅紹興末伊洛之

熊復出而振起之明見天理篤信固守言與行

養和平議論方大正齋集蓋永嘉之學自周行已

熊承於後薛季宣陳傅良葉適等皆奉以爲宗
敷文書說六經口義拾遺懃語記聞錄鄭景望
伯英皆知名伯英字景元一字去華紹興末上
篇極言秦檜之罪登隆興癸未進士第四人
調杭州泉州推官母老不忍行食獄廟祿九
[盜]德縣丞福建提刑司幹官猶不行終其身
議憤發筆墨豪健佞者褫魄貴者奪色一時
之稱伯熊爲大鄭公伯英爲小鄭公紹熙三
十三著有歸愚集伯海字彥容紹興辛未進士
浦城丞知南昌縣擢知英德府不赴除沿海制

尋攝制置使卒於官伯海持身廉慎家居立義
生徒常五百人後人名其里曰學堂前距伯熊
步時人稱爲東西二鄭

宋史赤城志赤城集浪
語集止齋集水心集龍

館閣錄林下偶談宋元學案盜國府志康熙
萬姓統譜四庫總目甌海軼聞温州經籍志

士龍號艮齋起居舍人徽言之子也徽言卒時
歲伯父敷文閣待制弼收鞠之從弼宦游及見
聞中興經理大略喜從老校退卒語得岳韓諸
甚悉年十七妻父荆南安撫孫汝翼辟書寫機
事汝陰袁溉道潔溉嘗從程頤學又從蜀薛隱
盡以其學授之季宣旣得溉學於古封建井田

鄉遂司馬法之制靡不研究講畫皆可行於時蜀制置蕭振辟爲屬已而謝去調武昌令時太尉劉錡鎮鄂渚季宣白錡以武昌形勢直淮蔡而兵寡勢弱宜早爲備錡不聽及金人敗盟兵交始稍稍咨計畫未幾汪澈宣諭荆襄而金兵趨江上詔成閔還師入援季宣又說澈以閔旣得蔡有破竹之勢宜守便宜勿遣而令其乘勝下潁昌道陳汝趨汴都金內顧且驚潰可不戰而屈其兵矣澈不聽時江淮仕者聞金兵且至皆預遣其奴而繫馬於庭以待季宣獨留家與民期曰吾家卽汝家卽有急吾與汝偕死民亦自奮縣多盜季宣患之會有伍民之令乃行保伍法五家

爲保二保爲甲六甲爲隊因地形便合爲總不以鄉爲限總首副總首領之官族士族富族皆附保蠲其身俾輸財供總之小用諸總必有圃以習射禁菟博雜戲而許以武事角勝負五日更至庭閱之而賞其尤者不幸死者予棺復其家三年鄉置樓盜發伐鼓舉烽瞬息徧百里縣治白鹿磯安樂口皆置戍復請於宣諭司得戰艦十甲三百羅落之守計定訖兵退人心不搖調婺州司理參軍居五年用樞密使王炎薦召未至爲書謝炎曰主上天資英特羣臣無將順緝熙之具幸得遭時不能格心正始以建中興之業徒僥倖功利夸言以眩俗雖復中夏猶無益也比至

復謂炎曰方今兵驕民困莫若以仁義紀綱爲本至於用兵十年之後可也入對進三說一審政本遴三公之選責以進人才張紀綱延端直之士與之講問學求治道其二省冗官冗兵其三蠲虛稅有旨改宣義郎差知常熟縣待次漏上明年復召季宣固辭且請祠皆不報趣益急既至除大理寺主簿時江湖大旱流民北渡江邊吏復奏淮北民多款塞者宰相虞允文白遣季宣行淮西收以實邊乾道七年十二月季宣至合肥明年正月抵齊安布宣天子勞來德意分遣才謹吏循問親履阡陌爲表廢田相原隰復合肥三十六圩立二十二莊於黃州故治東北以

永嘉縣志

卷之十二

人物 儒林

十六

戶授屋以丁授田頒牛及田器穀種各有差廩其家至秋乃止凡爲戶六百八十有五分處合肥黃州間並邊歸正者振業之季宣謂人曰吾非爲今日利也合肥之圩邊有警因以斷柵江保巢湖黃州地直蔡衝諸莊益輯則西道有屏蔽矣光州守宋端友招集北歸者止五戶而雜舊戶爲一百七十奏以幸賞季宣按得其實劾之時端友爲環列附託難撼季宣奏上孝宗怒屬大理治端友以憂死季宣還言於孝宗曰左右之人進言者其情不可察也託正以行邪僞直以售佞薦進人物曾言游揚中傷乃自不一令其私矣故齊威

之霸不在阿卽墨之誅賞而在毀譽者之刑臣觀近政非無阿卽墨之誅賞奈何毀譽之人自若乎帝曰朕方圖之季宣又進言曰日城淮郡以臣所見合肥板幹方立中使督視卒卒成之臣行過郡一夕風雨墮樓五堵厯陽南壁缺而居巢庠陋如故乃聞有靡錢鉅萬而成城四十餘丈者陛下安取此然外事無足道咎根未除臣所深憂左右近侍陰擠正士而陽稱道之陛下儻因貌言而聽之臣恐石顯王鳳鄭注之智中也又言近或以好名棄士大夫夫好名特爲臣子學問之累人主爲社稷計惟恐士不好名誠人人好名畏義何鄉不立帝稱善先是使事有緒恨得

季宣晚道進兩官除大理寺正至是凡奏請論薦皆報可而虞允文諱闕失不樂之居七日出知湖州會戶部以厯付場務一錢已上皆分隸經總制諸郡束手無策季宣言於朝曰自經總制立額州縣鑿空以取贏雖有奉法吏思寬弛而不得聘若復額外徵其強半郡調度顧安所出殆復巧取之民民何以勝戶部譙責愈急季宣爭之愈強臺諫交疏助之乃收前令以病請祠改知常州未上乾道九年七月卒於家年四十官止奉議郎諡文憲自周季絕學古先制作之原晦而不章若董仲舒名田諸葛亮治軍王通河汾之講論端倪蓋時一見也宋興周張二程出始相

與發揮之於是本原精粗統紀大備門人高弟既盡晚出者或驚於空無不足以涉事耦變識者憂之季宣學有所受博覽精思百氏羣籍山經地志研索不遺凡疆理卒乘封國行河久遠難分明者口講手畫縷貫脈連於經無不合於事無不可行也爲人平實質確本於易簡行於敬恕而堅志强力又足以充踐之驟見疎快軒豁潛察之自律嚴飭去就從違守義不可奪省其私泊如也所著有詩性情說書古文訓春秋經解旨要中庸大學說論語小學通鑑約說漢兵制九州圖志及校讎陰符握奇山海經伊洛遺禮良齋浪語集學者稱良齋先生門人陳傅良狀其行

永嘉縣志

卷之十二

人物 儒林

十八

東萊呂祖謙銘其墓子沄紹熙癸丑進士建安主簿

宋史
儒林

傳
舊府縣志東

萊集正齋集

諸葛說字夢叟紹興庚辰進士授嚴州司戶調黃巖尉俱以憂未赴久之起爲長樂主簿淳熙元年卒官年五十說負當世志學不爲章句訓詁務見於施設燕寢無惰聞人爲不義必反覆鐫切比罹兩喪慨祿養不逮於是名其園曰良園室曰儵室以其學行於家輯柔其族而厲其鄉人既而上下交孚子弟視倣咸謹而麗於善無敢肆者自奉甚儉周鄰里朋友則不問費室事一切勿問趨公事未嘗不勇決也紹興季年防海隆興甲申眎疫乾道丙戌埋魃

庚寅辛卯食飢壬辰築埭皆預爲方略白於守行之其官長樂也故相史浩帥閩聞其賢數委以事皆以理平決不視大府意所疑信爲非是已復延之幕中自一話一言無裨補不出諸口浩甚重之將薦於朝而說卒矣嘗與張忠甫論學自叙讀書二十年得一健字陳君舉在旁歎曰健天德也盍求其本說深省其言旣病猶校讐儀禮不輟卒之曰爲書遺友人答其僚書復爲書付其子耕處分家事甚悉史相遣客與子來視疾將迎如平時客出大門而殤所著有良園易說論語說碑誌詩文若干卷

正齋集諸葛公行狀

戴溪字肖望亦作少望少有文名淳熙五年爲別頭省試第一

永嘉縣志

卷之十二

人物 儒林

十九

監潭州南嶽廟

宋史本傳

紹熙元年教授湖州分州學十八齋

爲六齋東曰明誠伸道治道西曰藻德義勝仁榮以經學啓迪多士求聖賢用心士翕然從之郡人相與肖像祠於

學宮

湖州府志

入爲主管吏部架閣文字除太學錄兼實錄院

檢討官正錄兼史職自溪始升博士奏兩淮當立農官若漢稻田使者括閒田諭民主出財客出力主客均利以爲救農之策除慶元府通判未行改宗正簿累官兵部郎官開禧時師潰於符離溪因奏沿邊忠義人湖南北鹽商皆當區畫以銷後患會和議成知樞密院事張巖督師京口除授參議軍事數月召爲資善堂說書由禮部郎中凡六

轉爲太子詹事兼祕書監景獻太子命溪講中庸大學溪辭以講讀非詹事職懼侵官太子曰講退便服說書非公禮母嫌也復命類易詩書春秋論語孟子資治通鑑各爲說以進權工部尙書除文華閣學士嘉定八年以宣奉大夫龍圖閣學士致仕卒贈特進端明殿學士理宗紹定間賜諡文端溪久於宮僚以微婉受知春宮立朝建明多務祕密或議其殊乏骨鯁宋史然性行純明平實簡易不爲新奇可喜之說而識者服其理到嘗與朱子遇於旅邸時從行者衆溪謂之曰獨不畏鉤黨邪朱子矍然散遣之嘉定初朝論將以姦黨盡投嶺海溪獨援紹聖往事恐貽君子

永嘉縣志

卷之十二

人物 儒林

二十一

小人反覆之禍議遂寢以經學輔景獻太子太子親書明經二字扁其堂所著有易詩春秋說論語孟子答問通鑑筆義將鑑復讎對岷隱集溪嘗築精舍岷岡山與王柎讀書其中自號岷隱學者稱岷隱先生

屬麻
府志

戴蒙字養伯其先由閩徙永嘉居柎溪菰田紹熙庚戌用閣門舍人戴勳牒改名埜字子家中第調麗水尉以公事與郡將忤棄官從朱晦菴於武彝因念假途易名之非復舊名應鄉舉再試不售曰可以止矣郡守楊簡薦於朝後用御史王穎叔請詔以原名復官尋卒所著有易書四書說禹貢辨子仔字守鏞嘗以孝廉薦年四十棄場屋肆力

於學詩書易周禮四書皆有傳述其詩文曰開治堂集侗字仲達登淳祐辛丑第由國子監簿守台州德祐初由祕書郎遷軍器少監辭疾不起著有周易尚書四書家說六

書故

舊志
湯志

張淳字忠甫爲人嚴重深博善忍事鎮物絕有材智抑不使出其氣貌沈沈偉然丈人也與薛季宣鄭伯熊齊名五試禮部不中授特奏名官棄去養母或薦之朝祿以監獄歷三任不食其祿亦不書考居母喪自飯含至於既窆自括髮至於既祥凡所以誠信其親哀恫其身者質諸士喪禮無不合也間爲族姻治喪亦斷斷持古制時爲文章銘

永嘉縣志

卷之十二

人物 儒林

二十一

民國二十四年補刻

人墓有諷有勸皆不虛書益負其學自刻苦貴愛忍窮以

死

正齋
文集

終不肯仕嘗曰今之仕者皆非出於古之道或問

之曰始至則朝拜遇國忌則引緇黃而薦在天之靈古有

之乎是以雖貧不願祿也

政魏
集

工古文尤習冠昏喪祭古

禮其器制損益考訂無遺儀禮在宋時幾成絕學獨淳名

家所著識誤三卷號爲精密欲考禮者必取正焉

兩浙名
賢錄

子二凡几

正齋
集

葉味道初名賀孫以字行更字知道少立志好古學師事朱熹試禮部第一時僞學禁行味道對學制策率本程頤無所避知貢舉胡紘見而黜之曰此必僞徒也既下第復

從熹於武夷山中學禁開登嘉定十三年進士第調鄂州
教授理宗訪問熹之徒及所著書部使者遂以味道行誼
聞差主管三省架閣文字遷宗學諭輪對言人主之務學
天下之福也必堅志氣以守所學謹幾微以驗所學正綱
常以勵所學用忠言以充所學至若口奏則又述帝王傳
心之要與四代作歌作銘之旨其終有曰言宣則力減文
勝則意虛從臣有薦味道可爲講官乃授太學博士兼崇
政殿說書故事說書之職止於通鑑而不及經味道請先
說論語詔從之帝忽問鬼神之理疑伯有之事涉於誕味
道對曰陰陽二氣之散聚雖天地不能易有死而猶不散

永嘉縣志

卷之十二

人物 儒林

二十二

民國二十四年補刻

者其常也有不得其死而鬱結不散者其變也故聖人設
爲宗祧以別親疏遠邇正所以教民用愛參贊化育今伯
有得罪而死其氣不散爲妖爲厲使國人上下爲之不
於是爲之立子洩以奉其後則庶乎鬼有所歸而神莫不
靈矣蓋諷皇子竝事也三京用師廷臣邊閫交進機會之
說味道進議狀以爲開邊寔闊應援倍難科配日繁餽餉
日迫民一不堪命龐勛黃巢之禍立見是先搖其本無益
於外也經筵奏事無日不申言之而洛師尋以敗聞於是
人謂味道見微慮遠味道所奏陳無一言不開導引翼求
切於君身旁引折旋推致於治道遷祕書著作佐郎而卒

訃聞帝震悼出內帑銀帛賻其喪升一官以任其後故事
所未有也所著四書說大學講義祭法宗廟朝享郊社外
傳經筵口奏故事講義宋史儒林傳景定間門人范東叟請諡
曰文修萬麻府志從弟任道字子重與兄由栝徙永嘉西溪葉
奧師事味道求朱子之學所得最多生平勤苦自勵孝友
正直博通經史有詩集雜文十四卷乾隆府志
陳埴字器之父燁字民表祖父皆冒姓吳至燁始復姓隱
居西郭循常守樸不應科目對客常深默爲文不以示人
耕而食織而衣非其好不與游也卒年八十八水心葉適
誌其墓埴少穎悟從朱子於武彝所見超卓登嘉定甲戌

永嘉縣志

卷之十二

人物 儒林

二十二

第授豐城簿湖口丞紹定間江淮制置趙善湘建明道書
院辟埴幹辦公事兼主講席四方學者從游數百人稱爲
潛室先生以通直郎致仕卒子鉅兄增臨海令弟止善靖
安尉景定中郡守呂延年表其居曰森桂繪像祠於學所
著有禹貢辨洪範解王制章句木鐘集嘉靖通志康熙府志水心集浣川集

林武字景文孝友冲約博通經史朱子講學武彝武徒步
從之受中庸衣錦之旨歸扁其室曰尚綱輯所聞爲語錄
後以特奏名授河池縣尉秩滿廣漕交辟不就父年耄跬
步不離及卒哀毀骨立歲歉出私財賑濟遠邇賴之子纘

孫知柳州孫璫夢桂俱登第

康熙府志

璫自有傳

包定字定之性聰敏治春秋書禮三經精析義蘊聞晦翁自同安歸往受業及講學白鹿洞仍相從論道焉所著中庸解疑孟子答問池州語錄朱子集中有答包定之書

康熙府志舊志

徐寓字居父紹熙庚戌朱子知漳州寓往從焉請學易與詩朱子告以且看大學語孟中庸四書精透然後讀他經又曰隨處可以用功患難尤見得力朱子又稱其務學求師志尚堅確與郡士黃樵陳涓等八人俱延入州學為諸生表率焉池錄三十一弟容字仁父亦從朱子遊同時沈僦字莊仲池錄三十八至四十一皆僦所記周僦字伯莊亦稱莊

永嘉縣志

卷之十二

人物儒林

二十四

仲錢木之字子山

池錄三十六木之所記

蔣叔蒙皆從朱子遊

並見朱子

語錄木之晉陵人寓永嘉

吳濬字子量初名濤表臣曾孫濬出於世臣見聞有素又能篤志潛求櫛沐俱廢由是六經諸子淹貫融液登涓祐第監平江府大軍倉秩滿將處以京職弗就詣流內銓注青田令而歸嘉定間鄉人陳埴善性理之學朱平叔善傳記之學濬兼有之故從游之士最盛若潘凱方來趙崇滋輩皆出其門

舊府志輩皆出其門

翁巖壽字如山初名夔以禮經魁太學更名巖壽登涓祐進士第歷永州教授以憂歸服闋除太常博士遷國子監

丞知興化軍卒巖壽性行純固師事陳埴最久盡得其奧
從學日衆常令人讀近思錄曰此讀書梯級也又令觀言
行錄曰此爲人標準也其學以修身勵行爲務不專事語
言文字之末學者稱庶善先生

康熙府志樂清志亦載之

胡子實初名希孟字醇子力學不怠於四書所得尤深咸
淳間鄭滁孫知樂清創宗晦書院請主講席講解詳明深
契宗旨士翕然歸之已而從班中援元祐陳師道例請於
朝得旨授史館編校尋帶行國子監簿使明州卒著有講
義孝經注習史管見

康熙府志

胡一桂字德夫從翁巖壽學領咸淳庚午鄉薦教授於鄉

永嘉縣志

卷之十二

人物 儒林

二十五

學者稱人齋先生德祐乙亥上丞相書幾萬言忠誠懇切
時不能用董左丞俾攝郡學研究周官經國制度參互考
司至忘寢食六官錯簡一旦貫通補正古周禮一百卷與

鄭伯謙太平經國書並行於世

萬曆府志

伯謙字節卿登紹熙

庚戌進士第歷修職郎衢州教授累知臨江軍召爲大理

寺丞差知常德府提舉常德澧辰沅靖兵馬

四庫總目謝旻江西通志

洪咨夔平齋集

元

繆主一字天德從葉味道游博學強記通書易禮三經補
國學生升內舍賈似道蕪湖之敗主一與同舍生伏闕上

書攻之德祐初以疾告歸隱居教授晚歲兩目皆瞽延祐

閒總管廉希仲

案元改温州路總管府志有廉希仲在延祐年舊志作大德間郡守廉希憲疑誤

延為郡庠經師時初製大成樂禮器祭服制度儀式必咨

訪之主一雖年耄諳練典故記憶不衰與人言亶亶不倦

人有問經義疑難曰在某書某帙檢視果然年八十餘卒

有易精蘊論學軌範尚書說禮記通考天隱集

兩浙名賢錄

明

王淵字如淵儒志先生開祖九世孫通詩書二經洪武三年舉進士以疾告歸授本縣訓導性質直人有過必面折之毅然以作興後學為己任貧而來學者輒以衣糧資給

永嘉縣志

卷之十二

人物 儒林

二十六

焉所著有詩書題斷蓮塘稿

康熙府志舊志

朱謐字思密性敏嗜學談論極性理之奧行誼修飭鄉邦式之仕邳州學正致仕歸以著述為務有四書輔注述義

西銘解正蒙述解庸言集

康熙府志

張文選字士銓受易於平陽徐興祖恂恂守禮法盛暑未嘗去衣冠常謂讀書不躬行雖讀何為登永樂丙戌進士人翰林院充庶吉士進文淵閣預修太祖實錄永樂大典丁亥十月卒年三十六著易經講義四書訓解子慶餘郡

學生

介菴集府志

林補字廷翊少聰慧讀書過目成誦襟度寬和言溫而行

確登宣德庚戌進士殿試二甲第三選進內閣讀書爲庶
吉士宣宗時御文華殿命題親試補所對發明宋儒二程
張朱四賢之奧闡明道統承命撰制書詔誥俱稱旨乙卯
英宗卽位賚白金擢翰林院編脩是歲九月卒年三十八
著有遜志集後從祀四賢祠康熙中題准予奉祀生一人

孫震生襲

介菴集
乾隆志

葉挺字允疇穎悟絕倫聞方祖安徐裕軒得理學於蔣蒼
巖師事之遂達性命之蘊正統間郡以明經薦力辭隱居
教授所著有理氣圖說學庸庭訓詩文遺稿學者稱尙志

先生

萬麻
府志

永嘉縣志

卷之十二

人物 儒林

二十七

王叔果字育德參議澈長子嘉靖庚戌進士丁外艱歸服
除授兵部職方主事督西內工賜文綺三年又以使事歸
展墓時倭寇温州族弟僉事德死焉叔果乃謀築堡以庇
宗族請於朝遷中界山巡檢司防堡報可遷員外郎己未
會試同考官遷郎中視師薊鎮疏諸材官功罪裁昌平
提督皆如議大司馬楊襄毅屬修京營志進武選郎中修
武選條例著爲令有以寶玉介五百金行賂者斥之人不
敢干以私嚴嵩當國絕不私謁出爲湖廣參議歲饑捐俸
及贖餒食流民全活無算踰年遷廣東按察副使引疾歸
時年尙未艾也旣歸杜門不出 家祠先隴族有爭聽於

宗不濶有司設義塾訓羣子弟置田以給孤嫠若貧不能葬者助修學宮築提捍海爲石門時蓄洩置義冢歲所掩骼萬計初治堡斥橫塘故居於外尋徙郡城墨池坊已築室堡中曰先世祠墓在弗忍違也少讀書半山晚歲稍闢亭臺游詠其間蔬食布衣終身無媵侍潛修考古無一日去書尤精六經性理之學嘗輯象山語略以朱子晚年之論合之明其非禪又推陽明良知合於朱陸之尊德性求放心以爲陽明指心之良知爲聖欲學者惺惺不昧蓋性善故知良不放心故惺惺不昧其致一也同時講學如泰和胡直大名申旆麻城耿定向歸善李鵬舉咸隄其言其

永嘉縣志

卷之十二

人物 儒林

二十八

學先識本體而主於毋自欺以惇倫躬行爲實際孝友恪恭不妄語笑自奉寒素聲利嗜好澹如也年七十三卒所著有永嘉縣志半山藏藁子光蘊自有傳光薦解州同知光普光祿寺錄事曾孫欽準永安知州

康熙府志 舊志 湯志 李維楨 王憲使

傳一

